

四庫全書

子部

# 欽定四庫全書

子部

古今源流至論續集卷三

四

詳校官中書<sub>臣</sub>程炎

主事<sub>臣</sub>祁韻士覆勘

總校官庶吉士<sub>臣</sub>倉聖脉

校對官中書<sub>臣</sub>潘奕雋

謄錄監生<sub>臣</sub>黃熙純

欽定四庫全書

古今源流至論續集卷三

宋 林駟 撰

內帑

古者藏富於民後世藏富於國又其後藏富於府庫世  
儒皆有是言矣噫亦嘗觀其用之之意乎夫內庭之費  
外朝之所不及知宮掖之藏有司之所不敢問固也然  
使其均節之有人出入之有度則雖籍而在內內猶外  
也名而為私私猶公也何歎乎嘗觀古今公私之意矣

周人制於冢宰冢宰大臣也故不敢有侈用之心漢初  
屬於少府少府外朝也故亦無滲漏之弊至東漢歷唐  
率以閹人主之而財用始專為私用爾我朝舉內帑之  
財而屬於三司之使其亦成周之意歟嘗觀周官之書  
有太府有玉府有天府有外府有內府皆王之府藏也  
凡頒其貨于受藏之府頒其賄于受用之府則太府掌  
之凡良貨賄之藏以共王之珠玉則玉府掌之凡藏國  
之寶鎮寶器則天府掌之而外府之職則掌布之出入

以共百物之用內府之藏則受九貢九賦之貨賄以待  
邦之大用別而言之府庫之名不同合而言之皆聖人  
之所藏也然而內府之藏所以待邦之大用者尤異于

他府

內府掌受九貢九賦之貨賄以待邦之大用凡四方之幣獻金玉齒革兵器凡良貨賄入焉凡王及

家宰之好賜予則共之

而受九貢貨賄又出於太宰之手以此知

周人之積所用者邦用所受者太宰又安有一己之私  
乎漢人財賦分為二品其一以給國家之公用則司農  
之所掌其一以給天子之私養則少府之所掌至其財

之所入則田租均輸司農事陂澤市租少府事也

官表大司

農掌穀貨屬有均輸官少府掌山海池澤之稅以給共養嘗觀哀帝發武庫兵送董

賢母將隆奏武庫兵器天下公用國家武備繕治造作

皆度大司農錢大司農錢自乘輿不以給共養共養勞

費一出少府是不以本藏給末用不以民力共浮費

母將

隆傳哀帝即位遷執金吾時侍中董賢方貴上使中黃門發武庫前後十輩送賢及上乳母王阿舍隆奏言武

庫兵器天下公用國家武備繕治造作皆度大司農錢大司農錢自乘輿不以給共養共養勞賜一出少府蓋

不以本藏給末用不以民力共浮費別公私也及觀元帝世賈捐之言往者暴

師曾未一年兵不踰千里費四十餘萬大司農錢盡

以少府禁錢續之

見國用  
條注

是又以私藏為公用以內帑

為外費夫大農公用也而天子不敢私用之少府私用也而大農得公用之私不得以傷公而本得以資末亦良法也況少府外朝之臣而得主內庭之物故宮掖無橫出之私閹宦無干預之弊尤漢人之美意又安有一

己之私乎東漢始以山海鹽鐵而歸之郡縣出少府禁

錢而屬之司農非不可也

後百官志郡國監鐵官本屬  
司農中興皆屬郡縣餘均輸

官等皆省又漢承秦凡山澤陂池之然宮中私用一切私名曰禁錢屬少府世祖改屬司農

皆於司農取之而司農又不盡應其求章和以來不能

堪此於是別自立監而用閹人領之

章帝章和元年宮中別立一監命閹

人主而桓靈諸君每歎天子無私財而開鴻都賣爵以

為私藏矣

靈帝光和元年初開西邸賣官初帝每嘆桓帝無私財故賣官聚財以為私藏自閹內侯

虎賁羽林入

夫宮掖之費在內所不能免而使一切取

辦於外庭則固有其制而不得為者此所以計出於亡

聊而有為庫之私也唐始以財賦所入皆在左藏盈虛



之數太府上之出納之數比部覆之非不可也及第五琦不能禁豪將之求取乃悉納之內帑天子以給取為便而天下公賦皆為天子私藏有司不敢計而弊端舞弄於孺宦之手至楊炎請出內帑以歸有司當時方喜有貞觀之風未幾盧杞一用而炎卒貶死前日之法盡變異時瓊林大盈第為已蓄而不計邦用之虛盈矣楊炎傳德宗即位拜門下侍郎同平章舊制天下財賦皆入左藏庫而太府四時以數聞尚書部覆出納舉无奸欺及第五琦為度支鹽鐵使京師豪將求取无節琦不能禁乃悉租賦進大盈內庫天子以給取為便故不復

出自是天下公賦為人君私藏有司不得計贏少而宦官以冗名持簿者三百人及熒為相言於帝曰財賦者邦國大本而生人喉命先朝權制以中人領其職五尺宦豎操邦之柄豐儉盈虛雖大臣不得知則无以計天下利害請出之以歸有司度宮中經費一歲幾何量數奉入不敢以闕帝從之後熒貶死嶺表盧杞用事而璵林大盈復命宦者主之

夫東漢之別監唐人之大盈是亦周漢內府少府之制然不歸於大臣而歸於孺宦不屬於外朝而屬於內庭帳籍無攷姦弊肆出以啓異時宦官之恣此其所以為失也成周之意一失於東都再失於唐寥寥千載而能追其意者其惟國朝乎昔我藝祖皇帝斬

刈蓬蒿混一版圖梯來索引之國奉琛相望嶺表海嶠

之邦入貢不絕府庫充盈林積山阜遂別建內帑以藏

之時乾德之初年也

編年國初天下盡入左藏庫乾德初府庫充溢太祖嘗顧左右曰軍

興饑饉須預為之備若臨事厚歛非長計也於講武殿別為內庫以貯金帛

夫上不歸於有

司下不散於爾民而第藏於府庫之私我祖果何意哉

噫孰知聖人深長慮歟太祖嘗語左右曰軍興饑饉須

預為備臨事厚歛非長計也遂別為內庫以貯金帛我

祖之意為民計也則內帑之立私耶公耶見上又嘗語

近臣曰朕憫八州之民久陷契丹俟蓄滿五百萬緡以

贖山後諸郡我祖之意為國慮也則內帑之立私耶公

耶寶訓太祖別庫曰封樁庫每歲國用之餘皆入焉嘗語近臣曰石晉割幽燕諸郡以歸契丹俟蓄滿五百

萬緡以贖聖人用心與天地同其公與民臣同其情於

此可見矣列聖相承銖積寸累為民而守無毫髮私貨

泉金帛分命有司專職守也

長編太平興國二年命賈黃中程能馮瓚分掌左藏

二庫先是貨泉與金帛通牙錢匣藏叅驗定數防滲漏

也熙寧二年神宗謂輔臣曰太宗時內藏財貨每十用二牙錢記之名物不同所用錢色亦異他人莫能曉

也嘗匣而置之御閣以參驗帳籍中定數晚年嘗出錢示真宗曰善保此足矣今守內藏臣皆不曉帳籍闕防之法當更不特此爾金帛雖多不敢私用真宗訓之朝

寶訓真宗嘗幸景德殿庫閱所積金帛謂左右曰朕於每念四方輸賦不易金帛雖多朕亦不敢私用朕於

宮中一無所費仁宗戒之錢長編慶厯二年罷左藏月進

公所謂供王之好用者朕在上之訓戒為如何宮中私

費孫甫有諫慶厯二年孫甫言景福內庫祖宗以備非常之用近歲諸路物帛多入內庫內外盡

疑宮中之私費唐置瓊林大盈二庫率近倖侵漁呂誨

有諫治平元年呂誨言內帑奉宸庫非有司關掌外臣

因緣侵漁一旦在下之規倣又如何異時三十庫之羨有事何以枝梧

侈為歌詩皆歷聖積累儉約之所致

元豐元年上每憤契丹倔強慨然有

復幽燕之意即景福殿庫聚金帛為兵費是年始更庫名制詩以揭之曰五季失圖獫狁孔熾藝祖造邦思有懲艾爰設內庫期以募士曾孫保之敢忘厥志凡三十庫後積羨贏又揭以詩曰每乾夕惕心妄意遵洪業顧予不武姿何以成戎捷至有軍國經常之費又皆取而為吾國吾

民之用非徒為是蓄積也明道出禁錢以賜三司

仁宗明道

二年以內藏錢百萬賜三司初三司以用度不足慶厯假於上上曰國家禁錢本無內外蓋以助經費也

罷月進錢以賜縣官

見上

此則為經費之助也皇祐出

內藏庫絹以糴軍糧

通鑑仁宗皇祐二年冬出內藏庫絹錢四十萬紬絹六十萬下河北

使糴糧草四年又出內藏庫錢三十萬緡絹十五萬足下河北助糴軍糧

至和又出內藏庫

錢以糴軍儲

通鑑至和初出內藏庫錢三十萬助軍儲

此則為軍食之費也

陝西博糴以濟饑民則賫奉宸銀三萬兩

寶訓慶曆四年遣內侍賫

奉宸銀三萬兩下陝西博糴糧麥以濟饑民

河北水災欲行賑貸則出內藏

絹三十萬足

嘉祐元年出內藏庫絹三十萬足銀十萬兩賑貸河北水災

非為民用

乎河北賞軍此公費也而亦出內庫之帛

皇祐二年出內藏庫絹五

十萬下河北陝西河東以備軍賞

河北買馬此外帑也而亦賫奉宸之

珠

神宗熙寧元年詔出奉宸珠二千三百四十萬付河北四推場幣之別封樁以備置馬

此非兵

用乎以至平荆湖則用之祠郊丘則用之

真宗出陳彭年所撰內藏

庫記示王曾太祖以來有景福內庫先帝改此名所儲金帛以備軍國之用非自奉也二帝之平荆湖西蜀嶺表江左河東親祀郊丘所費巨萬皆出於是實訓皆非為一己私奉爾噫此猶

未足見聖人之公心也自漢唐以來內帑蓄儲一出闔

寺而外庭不得過而問焉景德中真宗令內庫取索必

經三司

真宗幸景德庫曰此庫金帛最多不敢私用自今非時取索必經三司出納景祐中

程琳為三司使禁中所取輒覆奏罷

景祐元年程琳為三司使禁中所



取輒覆奏罷之內侍言琳專琳曰三財之所用既為國  
司財賦皆朝廷有也臣為陛下惜耳  
費財之所主又歸大臣此與周人冢宰之意均爾漢唐  
之君得無有覲面目乎今天子仁儉有菲食澣衣之德  
宮闈簡約無金瑰珠礫之侈累累丘山浩浩江海不待  
言耳然祖宗之內藏為幽燕設也今日之內藏亦為祖  
宗計可也昔神宗歌景福庫之詩曰五季失圖玃狁孔  
熾藝祖造邦思有懲艾爰設內府期以募士曾孫保之  
敢忘厥志愚願聖天子以此為訓

見上注

州縣財

井田之法行而財藏於民漢承秦阡陌之後加之武帝  
多事之餘取民之目愈悉已不在民矣而猶在郡縣不  
至盡輦京師是亦漢人之良法也是故魚鼈葦蒲之利  
郡得取之以為饒則山林陂澤之利亦不盡歸少府矣  
翟方進傳田租之入以待朝廷軍興之用則租賦之入不盡  
歸之司農矣自武帝置鹽鐵官之後鹽鐵之利雖已行  
官權而所留於郡國者猶有餘藏則鹽鐵之利亦不盡

輸之上林之官矣

據郡國出鐵者皆置鐵官而常山郡蒲吾縣有鐵山而不置若郡國置鐵

官之外則越雋郡定筰朔方縣與夫鴈門之祈陽東平之無鹽此數地者皆鹽澤鹽亭所在而當時不置官

所以一有軍興用度大農調郡國以給之郡國災荒朝

廷亦取旁郡錢穀以助之其三輔所在廩犧官錢至百

餘萬

蕭望之傳

而櫟陽一縣其錢亦不下數千萬

薛宣

傳財之所在郡縣果何如耶雖然歛收錢穀州縣事也

稽收計簿朝廷事也則財之所以散於天下亦未嘗茫

然無所攷是以調發不給者加以乏興之刑

趙廣漢傳尉吏禹効

蘇賢為騎士屯霸上  
不詣屯所乏軍興

用度無據者臨之以放散之律

韓延

壽傳延壽坐放散  
官錢百萬得罪

此又漢人之良法也沿歷至唐此意

失矣強藩陸梁者不申戶口而州縣所租歸於藩臣之

手

唐至中後河北  
十路不申戶口

守臣貢佞者復獻羨餘而州縣所蓄

又為京師之貢

李絳傳方鎮有地則有賦或畱用度易  
羨餘以為獻臣為陛下謹出納焉有羨

贏哉又自淮西用兵以來度支鹽鐵及四方爭進奉謂  
之助軍錢賊平進奉謂之賀禮後又進奉謂之助賞上

加尊號又進稅間架筭除陌為國計足矣如斯民何德  
奉謂之賀禮

德宗

貞元後趙贊請復稅間  
架筭除陌而民益愁怨  
設大盈立內庫為公積  
厚矣如

斯民何

楊炎傳舊制天下財賦皆入左藏第五琦悉財賦進大盈內庫天子以給取為便而宦官以冗

名持簿者三百人

又其極也私家無銅爐平地無銅山而民之

錢空於官耳

唐人詩

二月賣新絲五月糶新穀而民之衣

食竭於官耳

五代聶夷中詩二月賣新絲五月糶新穀醫得眼前瘡剜却心頭肉

至國家

肇造之初海內分裂天下賦入不上於版曹者大半建

隆三年始出師平湖南已而湖南平又三年平蜀又六

年下江南又四年收嶺南師旅歲興皆仰縣官當是時

也外而邊郡分命將師鎮禦西北郡中管榷之利悉以

與之恣其回易不責其上供也

三朝寶訓國朝僭偽未下命李漢超屯闕南郭

進控西山趙贊屯延州凡列郡禦壯虜太原西戎之郡管權之利悉以與之恣其回易免所過征稅由是遠臣

多致克捷二十年間無西北之憂

內而州郡轉運雖隸於三司而總一

道稅賦之利則得以擅其裒多益寡之權郡守雖統於

轉運而合一州地利支酬不盡之贏則得以為屏翰保

固之資亦不盡責其上供也

國初一路賦稅推酤商稅茶鹽坑冶之利轉運得以

裒多益寡以給遣郡其二稅定例分數隸屬州縣及係官廓稅以地利坊場河渡支酬衙門不盡者盡歸本州其係省經費錢帛貯之軍資庫轉運總之若屬州縣之財別有州府庫貯藏聽知通備用非常其犒饋燕設則

有公使庫仍許回易收息支費其量分方鎮財用付郡  
守其旨遠哉州郡足以聚人率衆屏翰王室皆有其資  
是故為三司者不敢歛州縣之財以厚公帑為漕使郡  
守者不敢輦州郡之財以入京師陳晉公恕嘗任三司  
使矣茶法之定止從中策以求公私之兼濟而取利太  
深者置而不用焉陳恕為三司使將立茶私名茶商數十人俾條利害第為三等副使宋太祖曰吾觀上等之說利取太深此可行於朝廷下等因減裂無取惟中等之說公私皆濟世言  
三司使之才張方平亦嘗任三司使矣拱辰權蓋之請  
惟恕為稱首公乃具陳本末立止其事且請下免權之詔焉此為三

司使者然也

王拱辰請權河北益張方平見上曰河北再權益何也仁宗驚曰始立法非再也公

曰周世宗權河北益犯輒處死世宗北伐父老遮道泣訴請以益課均之兩稅而弛其禁世宗許之今兩稅益

是也豈非再權乎仁宗大悟張士遜嘗為江西轉運矣  
曰卿語宰相立罷之遂下詔

王文正以權利之至告之而士遜未嘗求錐刀之利真

時張士遜為江南轉運使辭王文正公曰求教公曰富朝廷權利至矣後士遜思公之言未嘗求錐刀之利富

公弼嘗知青州矣朝廷輦青州之錢以入而富公力言

其害此為漕使守臣然也富弼知青州朝廷輦青州之財入於京師公上疏力言之

豈非州郡之地其財用之根本歟王金陵何人哉取祖



宗培植根本之地而斧斤之茶鹽坑冶有使者而茶鹽坑冶之利州縣不得私坊場河渡募衙前而坊場河渡之利州縣不得取二稅分數舊屬州縣也至是歸運司以備經費矣軍資錢帛舊與州縣也至是亦歸運司以備經費矣昔聽其回易也今禁之昔許其醞造也今限之熙寧初安石言郡守持權太重以坊場河渡戶絕之產召人買僕斷佃量破產直以募衙前餘以助常平青苗取息二分為抵當市易以抑兼并其舊例二稅分數房廊地利盡歸運司以屬經費只有公使庫限額正使錢為守臣之施設又禁其回易限其醞造行之甚至十年州郡饋餉幾乏其資此守臣無財也餘見上甚至

行均輸市易之法而商賈之民困

時安石為均輸市易青苗保馬保甲鄭俠

至為流民圖

行寬剩後錢之法而下戶之民困

安石行雇役法舊行差役

下戶不與今行雇法下戶皆輸錢雇直之外謂之寬剩錢

行青苗放息之法而天下

之民困

安石行青苗法二分取息范鎮曰青苗者唐亂世所為是盜跖之法也

噫三頃荒

田都賣盡要錢準備納青苗公獨不聞此詩乎

撫州饒稼詩云

噫作法於涼其弊猶貪作法於貪弊將若何異時紹聖

崇觀奸臣復用其法其弊尤慘皆金陵作俑之罪也中

興以來痛務剗革然版章未厚所出者微兵革方興所

用者廣仁政之發不逮仁心矣權酤征商契紙頭子已

有定額也後以官兵無給復增一分名曰經制焉

建炎二年

初宣和因方臘之亂官兵無所給乃詔發運使陳亨伯經制東南亨伯始設比較酒務量漆酒價及商稅額亦增一分并賣契紙錢公家出納每緡二十三文並號經制錢靖康罷之至是葉夢得言經制之法添商價增歲額并賣契紙頭子錢皆求於民之所欲非強其所不欲望復行之運司經制以為贍軍

已有經制也後以軍用不贍復就數內逐月椿辦名曰

月椿焉

七年先是諸路贍大軍錢令運司於經制權酤征商等數內逐月椿辦號月椿錢所出不能什

之二三餘則州縣之吏臨時措置未免取之百姓

民戶出錢本為雇役也今復

拘入贍軍與夫抵常庫之四分轉運司之移用當平之

七分茶鹽之貸息悉歸上供名曰總制焉

建炎五年令章誼措置財

用初州縣出納錢物每名收二十三文作經制錢至是加為定數除舊合得外餘並拘法以助軍需既又拘者戶長雇錢并抵當庫四分息錢及轉運司移用常平司七分茶鹽司之貸息錢悉歸總制司而總制錢自此始矣不特此耳降本和買法也今本錢不給又為折帛矣

紹興九年謝祖信言和預買為民之病有司變為折易又甚病者也祖宗時官依錢於春民輸糶於夏公私兩利其後官無本可依則名為預買其實白著軍興行一切之政數歲前糶價高折錢或十千八千今減價而有司猶執前直一例折錢使民降本和糶法也今本錢不常絀而求錢此又甚病者

給又有要素矣

紹興二十八年自紹興改元以後每歲降本錢下江浙湖南和糴以備軍儲閏

八月宰執奏乞與蠲免上曰朕向在河朔見民以為苦朝廷所降本錢州縣移用不即時給縱有給處又為吏

多需今幸軍儲粗足豈得已不己也諸路上供之外復有無額上供錢耳

紹興二十五年時諸路上供數外川蜀明告激賞絹之

外又有陰取激賞錢耳

紹興二十七年趙逵奏四川激賞絹官以所納揭之通衢此明

告而取之如給賞錢之類總領以數下州縣必陽朝廷戒之曰無損歲計無傷民力此陰取而不告也朝廷

之費用莫支而州縣之根括無已況又有歸名有宗室

有漆差有離軍揀汰衆口嗷嗷衣食縣官一有不給謗

諸隨之上既輦京師為上供之數下復有諸邑為衣食之給為州縣者亦難乎哉為今之計先裕大農而州縣自裕耳經常錢物閱兩歲而未發者大農之錢也今則拘催所拘之場務歲終所餘與夫乳香度牒等錢大農之錢也今則封樁庫樁之南庫舊隸於大農者也今則提領有官大農無與焉誠以是三者歸之大農則夫有名無實虛樁而不可指擬者可以次第捐之州縣州縣既裕則民力亦少寬矣不然捕蛇說猛虎行亦徒為喋

喋也

漕運

觀禹貢所載入于渭亂于河之類所輸不過九州之方  
物書禹貢則知漕運之法三代之時未立也觀管子所  
載粟行五百里之類所漕不過一時之輓卒管子則知

國都之漕春秋之時亦未聞也予嘗推原其故蓋古者  
天子中千里而為都公侯中百里而為都天子之都漕  
運所貢入者不過五百里之地諸侯之都漕運所貢入



者不過五十里之地乘輿服制之用宗廟百司之給自

足以供雖春秋戰國以來行師千里間行漕輓然事已

兵休猶未至於甚病而所以輸於國都者不出五百里

五十里爾自秦罷侯置郡漕法始講致瀕海之粟輸北

河之倉

伍被傳秦致瀕海之粟轉于兩河

蓋以三十餘鍾而致一石而

民始病矣然則秦為漕運之俑乎

通典秦欲攻匈奴琅瑯負海之粟轉輸北

河率三十鍾而致一石

迨至漢唐其事愈詳方其初年邊事未興

兵後未煩故漕運之費省至其後也征伐日勞供役日



廣故漕運之費多自今觀之漢初京師之用止仰近郡

諸侯之粟不歸天子當時關東之漕僅數十萬石而已

食貨志漢初漕關東粟以給中郡官歲不過數十萬石其省何如也及武帝以後

山東漕益而為百餘萬石

溝洫志武帝時河東守潘承言漕從山東上歲百餘萬石

既而縣官度食者衆則河漕又益而為四百萬石

食貨志武

帝時其沒入奴婢諸苑養狗馬禽獸官益雜置多繼而徒婢衆而下河漕發四百萬餘石及官自糴乃足

言利之臣愈請增益則山東之漕且至六百萬石焉

食貨

志宏羊請山東益六百萬石

迨至軍旅既息之後每歲漕穀為石猶

不下四百萬

食貨志五風中耿壽昌言歲漕閩東穀四百萬石以給京師

向者諸侯

自殖之粟至是削弱皆轉輸於中都爾唐初府兵之法

未壞平時無事身居田畝一有征行自為調度當時關

中之漕不過十萬而已

唐食貨志

其省何如也及明皇以後

天寶每歲二百五十萬

通典天寶中歲每水陸二百五十萬石

廣德歲轉

亦不下百一十萬

代宗廣德二年以劉晏專領東都河南淮西江南東西運漕歲轉粟百一

十萬石無升斗溺者唐志

甚至江淮之運少緩六軍脫巾於道韓滉

之米一至君臣舉酒相慶

德宗時江淮米不至六軍脫巾於道而上憂之會韓滉運

米至陝上喜謂太子曰米已至則唐人所以倚辦於此陝吾父子得生矣置酒相慶

可謂急矣噫引渭穿渠之謀不見於高文之時而見於

武帝之世

溝洫志武帝時鄭當時為大司農言異時關東漕渠從渭上渡六月罷師古曰計度其上

八月而後可罷也而渭水道九百餘里時有難處引渭穿渠起長安旁南山下至河三百餘里徑易漕渡二月罷發卒穿渠以漕大利汧河入渭之說不用於太宗之日而見於

代宗之後

代宗廣德二年以劉晏領漕江南之運積揚州汴河之運積河陰河船之運積渭口渭船

之運入太倉唐志

蓋漢唐中年以兵費之故所以屢講而屢詳

其勢不得不然也噫兵役漕運相為消長其他朝廷用

度百官廩祿十不費一大槩多糜於兵爾予獨謂漢以  
用兵而費財唐以養兵而蠹粟養兵者未可遽息用兵  
者朝罷而夕安此唐之漕運又加詳於漢也大抵漢漕  
皆仰於山東唐漕皆仰於江淮故武帝時潘系言漕者  
山東也宏羊益漕者亦山東也

並見前注

蓋江淮漕米去長

安逾遠諸侯自為封殖而已吳王之反自謂聚糧食三

十餘年

吳王濞傳

而枚乘之說亦云漢家轉粟西向不

如海陵之倉

枚乘傳

故江淮之漕未通而多仰於山東

矣天寶以後劉晏所漕者江淮也韓滉所漕者亦江淮

也

並見前注

蓋自開濟漕渠而甸農或至接穗而關中

不足給

唐食貨志

自藩鎮不申戶口者十五道而河北

不足給

同上

故諸道之漕不通而皆仰於江淮矣此漢

唐漕法之本末也國家定都於汴四方輻湊遠近俱便

過於漢唐是時漕運之法分為四路東南之粟自汴河

而至

會要國朝水運自江淮南兩浙荆湖南北路運每歲租糴至真揚楚泗州置轉船倉受納分調舟船

計綱汴流入汴至京師發運使領之

陝西之粟自黃河而入

會要陝西諸州芻粟自黃

河三門沿流入汴至三門汭白波發運判官催綱領之陳蔡之粟自惠民河通之

會要惠民河與蔡河一水即閔河也建隆元年始命陳承昭導閔河自新鄭與蔡水合貫京師南歷陳潁達壽春以達淮右舟楫於是以河西為閔河東南為京東之蔡河至開寶六年三月始改閔河為惠民河

粟自廣濟河通之

會要廣濟河自都城歷漕濟及鄆共廣五丈舊云五丈河開寶六年改廣

濟然論四河之利害汴河為重黃河次之而惠民廣濟

又其次也何以言之視至道所漕之數廣濟十二萬惠

民四十萬黃河五十萬而汴河至三百萬於此可見矣

至道元年先是汴河歲運江淮米三百萬石菽一百萬石黃河粟五十萬石菽三十萬石惠民河粟四十萬石

數二十萬石廣濟河粟十三萬石故汴河以發運使副是歲汴河運米至五百八十萬石

領之黃河以運使判官領之而惠民特命催綱廣濟特

用使臣

會要國朝置淮南兩浙江湖路都大發運使副都監以朝官以上充或諸司使充國朝有三門

白波黃河汴河水路發運使三人在三門以朝官充三門判官一人白波判官一人以京朝官充陳穎許蔡光

壽諸州之粟自石唐惠民河沿汴而至置催綱領之河北衛州東北有御河至乾寧軍饋食邈亦有使臣主

之然本朝所謂歲漕六百萬石

景德三年上供六百萬石永為定制出會要

專倚辦於江淮其他三河所入非大農仰給之所惟是

江淮最重故獨於汴河漕法為詳也今以汴漕本末而

論之自轉般之法行漕益富而人亦便自直達之法用漕益空而人愈病且國家以東南六路之粟載於真泗轉般之倉江船之入至此而止無稽滯也汴船之出至此而發無覆溺也江船不入汴汴船不入江豈非國家

之良法歟

國史國家定都大梁尤宿重兵故歲漕東南米麥六百萬斛漕運以儲積為本故置三轉

般倉於真泗二州以發運官董之江船不入汴者即於三倉卸納回運官監量給舟人汴船不出江往來轉運無復留滯而三倉常有數年之儲州縣告歉則折納上等優劣謂之額斛計本年最歲額以倉儲代輸京師謂之代發後於豐熟以中價收米穀賤則官不至傷農饑歉則納錢民以為便故范旻去淮南江淮之間輦運相



繼太宗稱其功而獎異之淳化中康定中江淮歲漕不給京師之軍儲范仲德薦許元為發運判官元曰以六路七十二州之粟不能足京師者吾不信也至行命瀕江州縣留二月糧餘悉發之遠近以次相補引千餘艘轉運而西故范旻主漕計江淮之間輦運相繼天子加京師足食

獎許元為判官瀕江之粟千艘而西京師足食其效驗

盖不誣爾

並見上注

自發運以歲額不敷之故而拘舟

卒江船不至汴船出江而漕法一變矣

會要許元比年諸路轉運司年

額不敷發運司不放兵卒歸仍令出外江邇沿江州軍截頭運故諸路糧船太半為籍網發運司搬益往遂運米而還且汴船不諸沿江風水沉失自閉口之制不行者多既從許元議會元罷不即行

而通冬運後夫擣冰凍死者衆而漕法再變矣

會要舊制有閉

口十月則舟楫不行王安石欲通冬運不令閉口水淺海舟不行於是以船艘數十前設巨椎以擣冰役夫苦

寒死者甚衆

然發綱發運未罷而猶未至大壞也夫何崇觀

奸臣以糴本數萬緡為羨餘之貢本錢既竭而無可增

糴積粟既空而無可代發於是孝緒說行以轉般之制

變為直達之法而漕法至是而三變矣

國史崇觀奸臣用事始求美財

以供侈費用所親胡師文為大漕以糴本數萬緡充貢而除戶侍自是繼者效尤時有進獻而本錢竭矣本錢既竭不能增糴而漕儲既空無可代發而三倉無用矣乃用曾孝緒之說立直達之法六路郡縣各總歲額雖

湖南北至遠之地亦直抵京師豈不加輶歟處須見米  
方米網之來也立法甚峻船有損壞所至脩整不得踰  
時州縣共運皆以費給之以至沿流驅役至必駭擾噫  
魚以鹽法既變迴舟無所得舟人逃散舊法盡廢

孰知直達之法而為吾國吾民之深害歟始者由江而  
淮由淮而汴人以為便也今網運直至文移星火而弊  
壞之外不及脩整矣始者以船回鹽以鹽償費人以為  
利也今鹽法既變絕無錐刀而迴船之夫多有逃移矣  
始者稔歲則發運收糴公私俱濟也今公帑垂罄糴不  
得增外郡告荒粟難取辦將何以堪耶

並見上注

蔡京

小人不得不任其咎爾此東京漕法之本末如此今駐蹕吳會蜀漢之粟順流而下以供荆襄之軍閩浙之粟水運而上以供中都之用無復有難致之險然比年以來風濤之突蕩道里之逗留郡之所費不知其幾矣況間歲不登州以歉告議者又深慮焉將以廣漕歟則東南民力竭矣未易廣也將以省漕歟則六軍百司仰給於此亦未易省也是將何術而可噫木牛流馬不若渭南之屯為可久

諸葛亮傳

關東轉漕不若三輔之糴為

省費

食貨志五鳳中大司農中丞耿壽昌言故事歲漕關東穀數百萬石以給京師用卒六萬人通糴三

輔引農河東上黨太原郡穀足給京師又以省關東漕卒今獨不能倣其故智乎且

荆之區淮之甸田畝相望荆棘未啓者甚衆誠能招徠  
流民籍之給以田器予以牛種委守令以督其事遲之  
數年則一歲之入必倍於今日矣浙之東吳之會舳艫  
相銜商販奔湊者甚衆誠能捐內帑數百萬以糴之略  
其譏征廣為儲蓄無拘其限以寬其集無抑其價以誘  
其來付郡守以領其事以吳越而入京師其勢甚便則

卷三  
轉運之米可以盡計而省之矣捨是不講而泛求廣漕  
省漕之策雖劉晏復生無以為謀矣

### 賦稅

孟子曰有布縷之征有粟米之征有力役之征君子用  
其一緩其二用其二而民有孳用其三而父子離然則  
明王之法固不出於斯三者就三者之中猶必有緩急  
以權之則為良法矣欲論成周漢唐征賦之制其可不  
參酌於此乎今按小司徒云乃均土地而井牧其田野

九夫為井四井為邑次而為丘為甸為縣為都以任地  
事而令貢賦此皆以田而出賦其所謂粟米之征歟康  
成以小司徒令貢賦之文謂貢嬪婦百工之物則指  
布縷之征者非也按載師之凡任地國宅無征園廛二  
十而稅一近郊十一遠郊二十而三甸稍都鄙即無過  
十二此自近郊而下盖冒園廛之文爾古者五畝之宅  
植墻下以桑今園廛可以植桑於其中則布縷之征盖  
出於此其間有植草木亦必計其所有而賦之以代布

縷所以輕近而重遠此皆以園廛而出賦其所謂布縷之征歟康成以載師近郊遠郊謂之國征而為米粟者非也按均人云凡均地征以歲上下豐年則公旬用三日中年則公旬用二日無年則公旬用一日此皆以力而任事其所謂力役之征歟考諸康成之說亦然也然而周之所以任民者有九職如百工商賈之徒雖亦授田其數鮮矣粟米之征其取既輕布縷均及亦非過取欲進而等之農夫什一之法則夫泉府之入門關之征



有廛人司關以掌之固其宜矣是以太宰有九賦之歛  
自一以至六即載師所謂園廛之賦自七以至九則工  
商之徒各隨其職而賦之者也康成誤以載師之文而  
為田稅而太宰之九賦無以當之乃謂九賦計口出泉

太宰以九賦歛財貨一曰邦中之賦二曰四郊之賦三  
曰邦甸之賦四曰家稍之賦五曰邦縣之賦六曰邦都  
之賦七曰關市之賦八曰山澤之賦九曰幣餘之賦康  
成注云賦口率出其泉也今之算泉或謂之賦此其舊  
法然則孟子三者之外又將有所謂泉算乎周公之法

豈若是其煩哉夫算泉之法近出漢世前未之聞康成

以當時法度而推測周法漢家自有制度奈何謂周亦漢耶若夫里布屋粟與夫家之征載師亦掌旅師所聚皆游惰之罰耳非取民之正法也太宰九貢之法侯國以其所取於民者貢之天子然後得以用其餘非王令貢之也至於他官之所掌如閭師縣師遂人之所歛即是三者而分職以叅治之非有他取也觀周公制度之稅役之多者則輕乎什一役之少者則厚乎什一截長補短欲使其均之為什一而無有幸不幸之嘆至於力

役之征時有豐凶而損益焉吾乃今知孟子之說為深得周公之意矣康成談經而不知聖人制法之意有如後人按其成說而行之得無暴取於民而深戾於古歟

並周禮小司徒載師均人注

至漢之田賦唐之田租正周人米粟之

征也漢之更賦唐之庸役正周人力役之征也漢之口賦似有不合而唐之調法正周人布縷之征也且以漢唐租賦而論之漢量吏祿度官用以賦民於是什五稅其一文帝始行賜租之令至十三年之六月乃盡除而

不收焉及景帝元年行半租之令而半租之明年則又有三十稅一之令故終漢之世三十稅一者自景帝始

也

前食貨志漢輕田租什五而稅一量吏祿度官用以賦於民云云至文帝罷錯復說上云云上乃下詔賜

民十二年租稅之半明年遂除民田之租稅唐因口分

孝景二年令民半出田租三十而稅一也

唐因口分

世業之田而立租賦之法田以二百四十步為畝一丁以百畝受之平歲為米可百二十石而租粟止於二石

而唐世以百餘而稅一者自太宗始也

食貨志唐制凡民始生為黃四

歲為小十六為中二十為丁六十為老授田之制丁及男年十八以上者田一項共八十畝為口分二十畝為

世業凡授田者每歲輸  
粟二斛稻三斛謂之租夫什一天下之中制也輕之入

于貉重之流於桀漢唐雖不忍取民必不忍以貉道治  
天下二十取一百餘稅一可以足乎如其足於此也則  
景帝太宗果貉道也如其不足於此也則是必有他取  
於民也何以知之漢自田賦之外有口賦有筭賦口賦  
者民自年三歲出口錢二十至年十四而止自年十五  
歲出筭錢百二十至五十六而止自武帝增口錢之三  
以補車騎馬而口賦始二十三為率是口賦已重於田

賦爾

漢志高祖四年為口賦算賦注漢儀注民年三歲出口錢二十至十四而止年十五出算錢百二十

為一算至五十六而止又志漢武帝增口錢錢補車騎馬云

此猶可也至更賦正率

之更以月代邊戍之更以三日代而不得行者月為錢

二千日為錢百王莽以為漢租雖輕而更賦之重至使

罷癯之不免其言不為無據然則漢之更賦為民病則

輕租僅足以償之爾

漢紀注如淳曰三月一更中歲雇者月二千是為踐更戍邊三日亦

名為更食貨志王莽下令曰漢氏減輕田租三十而稅一常有更賦罷癯咸出而豪民侵陵分田劫假厥名

三十實什稅一也

唐自田租之外有調有庸調者隨家以出為

絹二匹綿三兩無綿絹則為布二丈五尺是調賦又重

於田租爾

唐志丁隨鄉所出歲輸絹二匹綾絹二丈布加五之一麻三斤非蠶鄉則輸銀十四兩謂

調之此猶可也至庸法以身為役歲以二十為率是已七

倍於古其為法以丁身為本案開元赦文有戶高丁多

父母在而別籍居者迹其故豈不由丁口增多給田有

限而庸役有加所以致此馬周疏言今之戶口不及隋

十一而徭役者兄去弟還道路相繼其言亦不為無據

然則唐之庸役為民病則輕租亦僅足以償之耳

唐食貨志

用人之後以二十日閏加二日不及者日為縮三尺謂之庸有事而加役二十五日免調三十者租調皆免止後不過五十日餘見馬周傳及元宗紀

畝是民皆有田也漢為豪民之所占見上注唐以貧民

之所鬻

食貨志貧無以葬者得賣世業田

則雖輕租薄賦民何賴焉古

者輸賦於官各供所有是民無他費也漢之算賦則以

錢

見上

唐之兩稅亦以錢

貞元四年詔天下兩稅始用揚炎歲為之夏輸無過六月

秋輸無過十月自初定兩稅貨重錢輕乃斗錢而輸綾絹既而物價愈下所納愈多雖賦不增舊而民愈困矣

則雖輕租薄賦民何賴焉此漢唐之賦往往倍於成周



也雖然以漢唐而論則漢又遠過於唐漢法雖有害於

民而實優於農減租之詔無歲無之故流民免

元帝紀初元元

年貲錢不滿二萬免

平帝

行所過免

武宣元成紀

初郡免

食貨

志武

災郡免

于定國傳及昭宣元成紀

軍事勞苦免

高紀二年

假田免

紀元

初元元年

而新田則稍入

武帝時河東渠田廢令賦稍入

逋租之民又時貸

馬

成紀建始二年河平四年

其待農之意何如哉是雖他賦過重而

農尚亡恙也武帝費用百出利析秋毫直至海內虛耗

而後已然輪臺之詔一下而民遽有息肩之意者蓋當

時取民之法固為甚苛在商賈均輸平準鹽鐵之賦而已而漢家三十稅一之法猶存不改於農無加損也若唐之租調亦為良法奈何德宗從楊炎之請遽變為兩稅使他賦有出於商賈園林之征亦皆取給於田是雖曰省賦而農民之蠹甚矣

見上注

此終唐之世民生無

聊之由也五代以來橫歛四出國朝立極已加蠲免而舊歲之額視唐為加重熙寧以來新法一行元祐雖變紹聖復開而名色之多視國初為加重渡江以來賦入

日少時復多事而一切之賦視熙豐為復重噫民病矣

其可不思所以寬之歟且輸米一石加錢百餘舊無是

也而廣南行之

開寶三年詔廣南州縣歲輸米稅每石加率錢百六十今每石上十文餘並做

未納國租先遭率歛舊無是也而漢晉創之

雍熙二年上謂宰臣

曰晉漢未納王租先遭率歛近年畝稅三斗錢氏弊政以來頗革此弊亦可謂之小康矣

也

兩浙田稅畝三斗錢氏國除朝廷遣王方贊均兩浙雜稅方贊令畝出一斗使還責擅減租稅方贊以謂

畝稅一斗者天下之通法兩浙既為王民豈循偽國之法上從之惟江南福建猶循舊額

人出地稅

緡馬氏橫歛也

咸平三年李允則知潭州初馬氏暴歛州人歲出緡謂之地稅及潘美定湖南

計屋每間輪縮丈三尺謂之屋稅營田戶給牛福歛有輪歲米四斛牛死猶輪謂之枯骨允則請除之

重稅之額

五代方鎮多於舊賦之外重取於民國初悉皆蠲正稅額一定其間或有輕重未均處隨

事均之福歛州稅額太重福州則令以錢二貫五百折納縮一匹歛州輪官之縮止重數兩太原府輪賦金乃

令減價羅米補之後人往往疑福歛折縮秀州有別租太貴太原折米太賤蓋不見當時之意也

之課

秀州言錢椒千六百戶歲納二稅外別輪租真宗曰重加租稅課納於錢氏是橫賦也若錢椒族滅

別加  
優卹

此皆五代額外之取也國朝掃五代之煩苛還三

代之簡易天下之田二十稅一猶下蠲減之令寬租之

意何如哉然江南沿征至祥符而始去

祥符元年陳靖言江南偽命日

於夏稅正稅外有沿征錢物凡十四件乃溫父偕竊江淮物力不充征歛欺暴太祖克復之初舊弊不去者蓋樊知古怨偽朝不與名第既任轉輸罔思鼎革私怨其上流毒具民使我皇朝只得伐罪之名未見弔民之實上作供征數內有可仍舊有可從新有可江西外增一推為國恩有可推為民便願陛下察之

斗之米至慶厯而始除

慶厯七年諸路轉運廣要出剝厚有加耗謂之閭官江南諸州

納米一石出剝一斗往往有聚歛之臣加耗之外要一斗以江西路歲百萬石若每石米一斗出剝已及十萬石上曰聚歛之臣何者蓋五代苛政過多積弊難去故過於盜賊遂止之

耳至慶厯以來始定矣夫何熙寧大臣借周官之書文

管商之術坊場河渡昔歸州縣今充為上供焉

蔡官制熙寧間

取坊場河渡戶絕之產召人買僕斷佃量破雇直茶鹽  
以募衙前餘以助常平青苗取息三分為抵當

坑冶昔在州縣今歸使者焉熙寧間置提舉茶鹽司提點坑冶司青苗取

息公帑雖厚而屠牛市肉如民病何司馬光言熙寧作青苗取息二分凶

年則屠牛賣肉伐桑賣薪以輸錢於官寬剩過敷公府雖豐而拆屋賣木

如民困何國初差役至熙寧行雇役下戶亦出錢謂之刺錢定州民有拆屋賣木免役錢均輸

市易不貸秋毫商者苦矣熙寧立青苗免役市易均輸保甲保馬法鄭俠進流民圖

諸色賦歛皆輸以錢農者傷矣元祐元年蘇轍言自熙寧以來民間出錢免役

又出常平息錢官庫之錢貫朽而不可較民間之錢搜索殆盡此皆熙寧新法之弊也

元祐以拯溺救焚之仁為改絃易轍之舉罷青苗免役之法去市易均輸之政吾民至是始有慶厯之望未幾紹聖諸人復之而崇觀奸臣又重之而祖宗之仁政幾失矣中興以來非不復舊然土宇半於全盛之時而兵費倍於全盛之時不雨於天不輸於鬼其勢求歛於民然大抵多縻於兵而他用不及什之一焉自今攷之諸路之歲入雖為錢三千五百四十餘萬緡而歸於版曹者一千九百餘萬緡歸於淮東之總者二百六萬歸於

淮西之總者三百七十八萬歸於湖廣者五百七萬歸於四川者五百三十萬且猶未足也又於三樞務歲入二千四百萬之中捐五百五十萬以給版曹捐四百八十萬以給淮東捐八百九十三萬以給淮西其得供於朝廷者不過五百餘萬緡耳此安平無事之時所出之數如此况渡江兵革方殷之時乎是故以酒務商稅州縣出納等錢而入經制似過取耳然迫於給軍不得不取也

建炎二年  
初宣和因方臘之亂官兵無所給乃詔發運使陳亨伯經制東南亨伯始設比較酒務量



漆酒價及商稅額亦增一分并賣契紙錢公家出納每  
緡收二十三文並號經制錢靖康罷之至是葉夢得言  
經制之法漆酒價增歲額並賣契紙頭子錢以省戶雇  
皆求於民之所欲非強其所不欲望復行之

後茶鹽貸息等錢而入總制若過歛爾然時方用兵不

得不歛也

建炎五年令章誼措置財用初州縣出納錢物每緡收二十三文作經制錢至是加為定

數除舊合得外餘並拘發以需軍需既又拘耆戶長雇  
錢并抵當庫四分息錢及轉運司移用常平司七分茶  
鹽司貸息等錢悉歸總制月椿而非贍軍未必取也  
司而總制方自此始矣

先是諸路贍大軍錢今運司於經制權酤征高等數內  
逐月椿辦是月椿錢所椿不能什之二三餘則州縣之  
吏臨時指畫未折帛而非給士未必有也  
紹興元年謝免歛之百姓耳

買為民之病有司變為折帛錢又甚病者也祖宗時官  
俵錢於春民輸納於夏公私兩利其後官無本可依則  
名為豫買其實白著軍興行一切之政數歲前繢價高  
折錢或十千八千今價減而有司猶執前直一例折錢  
使民鬻繢而求無額上供紹興二十五年時諸路上供  
數外又有無額上供錢及一

萬貫以上推賞有差其後言者陰取給賞紹興二十七年趙遠奏四

又乞二千貫以上即無推賞川取民之途有二如給賞綸之類官以民所納者揭之  
通衢此明告而取也如給賞錢之類總領以數下州縣

必陽戒之曰無損歲計無改鈔軍衣等錢儻非為三軍  
傷民力此陰取而不告也

之用亦何忍而求之乎乾道三年臣僚言郡守下車首  
請屬邑督責財賦如數方許還

邑此之謂獻助錢委郡丞職幕官下邑官認發錢物抑  
無為有增少為多此之謂刻刷錢二稅就州輸納既倍

收合耗重增折科又率其合零就整一寸納一尺一合納一升謂之奇零錢酒稅不照國初額止從重數謂之通年課利錢至於催到上供錢物之類申發鈔狀到州多行截留先填舊欠別行催發謂之改鈔錢及當支散春夏衣賜拋降數目拘催謂之軍衣錢又有無額鈔總制錢之類不一而足籍為定數按月解發曰版帳曰綱目曰格目又有所謂月橋并清冊子數所在今日賦目州縣名數不同是皆州汨於縣之色目也

雖視紹興而陰取之數視紹興又重矣何者賦有常時時有常數今乃重權大量以取贏餘既有加耗又有折色吾民何以供賦入有限限與民宜今乃妄意科歛非時追索民方勤農先赴星限未攷官課先辦吏需吾民

何以供國家蠲免之令墻掛壁粘朝廷寬恤之詔黃放  
白催吾民何以告雖常賦定數未易遽革而額外剝歛  
獨可不省乎昔邵先生有言曰諸賢能寬之一分則民  
受一分之賜為士夫者盍致思焉

邵康節  
曰云云

古今源流至論續集卷三

欽定四庫全書

古今源流至論續集卷四

宋 林駟 撰

推酤

酒之有禁尚矣自古至今大畧有三以民之傷德敗性而禁者一也以民之糜穀耗粟而禁者二也借古人酒禁之名而為規利之術者三也予嘗究其始末而論之未嘗不嘆後世風俗之不古也夫酒之為物古人惟以供祭祀而君臣之間以彛酒相戒凡羣飲者執拘以歸

于周予其殺

酒誥周王誥羣臣曰矧汝剛制于酒厥或告曰羣飲汝勿佚盡執拘以歸于周予其

殺又惟殷之迪諸臣惟工乃刑之至重莫此為甚然聖酒于酒勿庸殺之姑惟教之

人豈有他意哉惟懼其沉湎浸漬黷亂風俗不過導迪

民彛防閑私慾而已至於地官有司疏以掌市飲之禁

秋官有萍氏以掌幾酒謹酒之禁皆是意也是禁也豈

非為傷德敗性之故歟漢初酤酒有禁而時有酺賜蓋

因秦法之舊蕭相國作為律令羣飲者罰金四兩著之

法令亦頗有古意

文紀注漢有酒酤酤有禁三人以上無故羣飲酒罰金四兩

至漢

文以即位而賜民酺

文紀帝即位賜民酺五日元年詔云為酒醪以糜穀者多十六年九

月令天  
下大酺

景帝以歲旱而禁民酺

景紀中元五年  
夏旱禁民酺

懼以有

用為無用之舉糜耗米穀民食不足爾後元酒醪糜穀  
之戒可見也是禁也豈非為害穀耗粟之故歟吁古之  
酒禁為亂德也漢之酒禁為糜穀也糜穀而禁似若非  
古然猶有崇本抑末之意至其後也三變而為爭利之  
術宜乎國政之日蕃而風俗之不古也自其未權之初  
猶有吏舍歌呼之習

曹參傳

其既權之後光祿之郎醉

汚殿陞九卿諸吏仰天嗚嗚

楊惲

朝廷之間且有此則

鄉黨小民何所不至耶甚矣宏羊之作俑也方武帝多

事用度不足宏羊以商賈之習不恤民計置官榷酒考

其歲月至天漢之三載而初榷蓋春秋暮年利源益浚

自是以後惟恐民之不彞酒也

武紀天漢三年春二月初榷酒酤

始元

賢良文學之徒願罷鹽鐵榷酤方發議之初以鹽鐵均

輸與酒榷並議而桑大夫答之尚猶以皆便為辭及再

詰之後姑專以均輸鹽鐵為請而酒榷之法已置而不



敢護則酒榷之設其義蓋悖歟賢良既議之後鹽鐵均

輸尚無恙而榷酤一法首從剗去亦幾乎古矣

昭紀始元六年

召郡國文學賢良問民所疾苦皆對願罷酒榷均輸等官無與民爭利宏羊難之於是丞相田千秋奏宜罷郡國榷酤令民得破律霍光大臣不學亡術未能取康誥

之書以嚴羣飲之禁乃且令民得自酤酒而官稅升四

錢其月攘一雞者乎其後長安三輔每有私酤之弊趙廣

漢宣帝時廣漢長安吏自將與俱至光子博陸侯禹第直突入其家搜索私酤初廣漢客私沽長安而丞相

史逐而他日百寮用度不給大臣又有賣醪之請翟方進傳

制詰下云乞賣雖未竟行而言利之徒因取為六莞之酒醪後請止

令民始病於此矣

王莽傳初魯康言鹽鐵錢布皆幹惟酒酤獨未幹復設六莞之令命縣官

酤酒義和置酒郡一

厥後相仍指為常制陳文帝以國

用不足而行推酤

南史陳文帝天嘉中虞荔等以國用不足奏請推酤從之

唐肅宗

以廩食方屈而禁酒酤

唐初無酒禁肅宗乾元二年京師酒貴帝以廩食方屈乃禁京

城酤代宗令酤戶而納月租

唐代宗廣德二年定天下酤戶以月收稅大歷中燕

定三等月稅錢

德宗以推錢而隨兩稅

憲宗元和六年罷京師酤肆以推酒錢隨

兩稅青苗飲之皆指此為規利之媒也五代以來其法愈酤私

酒涓滴犯者至死況不止於涓滴乎

東萊文五代之時如王章之徒提酒

涓滴處死太祖自涓滴至一石其法甚寬

私麴勺合論者棄市況不止於勺

合乎

漢初犯私麴者棄市周祖令至五斤死上以藝祖法禁密詔民犯私麴至十五斤者始處極典

立極痛懲前弊雖未能盡弛一時之利然易嚴而寬其

革有漸爾向以涓滴而至死今而寬至於一石

見上注

向以勺合而棄市今而寬至於十五斤

見上注

或者苟

不觀前代行刑之慘而妄議祖宗立法之意是不知本之論自後列聖相承日減月尅而酒禁並無死刑皆太

祖貽謀之善

東萊文自後列聖相承漸漸蠲減所以後來酒禁都無死刑正如孔子所謂為之兆

也是故益州麴錢寧除而不課

太宗太平興國二年詔除諸州官措置推酤舊

造曲鬻仍除益州歲增麴錢六萬貫寶訓

江南酒課寧罷而不取

寶訓真宗咸平六年

秦義畫策增推酤課以助軍旅之費遣朝臣乘傳諸州初增推酤之課景德元年江南諸州頗為煩擾屬歲歉罷之二年李昉言江淮兩浙荆湖亦望停寢俟歲稔江如故上見奏亟罷仍詔義等自今推酤課勿復增益江

淮推酤第從中制恐下無遺利也

寶訓時江淮制置秦義上言推酤遺利望

增課上曰推酤之設本以經費之廣故助國用若諸路使下無遺利非常久之道第詔酌中而務於通濟

推酤立為定規恐言者增課也

長編景德四年因宰相王旦言淮南諸路推酤

增益課利煩擾特甚乃詔三司取一年中數然則酒之  
立為定額自今中外勿得言增課以圖恩獎

有惟豈祖宗之得已哉特以國用寔廣未能遽弛仁心

不獲寓於仁政爾噫此猶未足以見聖人之用心也學

士酒失斥而不用近臣酣飲去之不容

乾德二年令實  
儀為翰林學士

時宰相有欲復用韋暉者質曰近王著以酒失  
罷去暉之酣飲尤甚於著豈當復用耶乃止

有周人

正德之意乾德之詔糜穀有戒

乾德四年詔古者倉廩  
實禮節興所宜禁民飲

博勿致遊惰戒其  
崇儉免於糜穀

慶厯之令羣飲有禁

仁宗初詔鄉村  
不得增置酒場

初上封者言天下酒課月比歲增無有底  
枹非古者禁羣飲欲節用之意故條約之即漢初重本

之意此祖宗之酒禁又不專在於區區之利益以正德  
重本之美意並行其間矣自王安石開利門增酒課於  
青苗方散之時而為罔民之舉張肆設樂惑亂民心果  
何俗也設法命名籠取市利果何義也

東萊文自王荆公置歛散青苗

法一時新進苛刻之徒布在州縣青苗因收利息於散  
青苗之時官司又多張酒肆廣為聲樂耀人之耳目今  
俗謂之設法嗚呼古者懼民之為過自設法之後反納  
蓋自此始

於有過古者恐民之羣飲自設法之後惟慮其不飲桑  
宏羊榷酒之法

見前注

至是又變矣向非中興以來深

鑒其失罷蜀中隔槽之權

建炎二年張浚趙鼎大變酒法自成都始先罷公帑罷酒

即舊坊場所置隔槽設官主之聽釀戶以米赴官司自釀凡米一石輸錢三千紹興二十六年貴庭論隔槽酒

臺之事上曰此張浚趙鼎濟一時之急耳今休兵既久自合更也

弛七閩萬戶之禁

紹興

二十七年上曰中間福建用鈔鹽未幾復罷若可行祖宗已行之正如萬戶酒前後欲權者甚多然竟不可行大抵法貴從容於國用不得已之中弛利寬法明示此不然不可經久

意於天下愚恐末流之弊又不止於設法矣噫始作俑者其無後乎宏羊小人安得不執其咎昔先正翰林蘇公論酒誥一書以為漢武帝以來至于今皆有酒禁刑

者或至流賞者或不貲未嘗少縱至於私釀終不能絕  
周王獨何以禁之曰周王無所利於酒也以正民德而  
己東坡書解然則欲明酒禁之法當以祖宗正德重本  
之美意毋但為取利設可也

### 權茶

嘗觀禹貢任九州土地所宜而無茶一字周禮列祭祀  
賓客之名物亦無茶一字以至漢唐以來史傳所載皆  
不言之夫茶充於味而饒於利何盛於今而不用於古



乎抑有說焉按本草茶本名茗一名檟一名菽今通謂之茶蓋茶近故呼之末之乃可飲與古所食殊不同本  
草而茶譜云雅州蒙山中頂之茶獲一兩即能祛疾  
二兩無疾三兩固以換骨四兩即為仙矣其他頂茶園  
採摘不廢惟中峯雲霧蒙散鷲獸時出故人迹之所不  
到是茶也本藥品之至良也  
茶譜雅州蒙山中有五頂  
頂有茶園其中頂曰上清  
峯昔人有遇老父謂曰蒙之中頂茶獲一兩即能祛疾  
二兩無疾三兩固以換骨四兩即為仙矣其四頂茶園  
採摘不廢惟中頂草木繁密雲  
霧所蔽鷲獸時出人迹不至  
至唐人茶飲序云釋滯

消壅一日之利暫佳瘠氣侵精終身之累斯大則知自

蒙山之外他土所產其性極冷故多雜以草木食之是

茶也本草食之相混也

唐母榮茶飲序云

及其後也智者創物

製作愈精亦可以少易其性譬如易牙先得口之於味

而俾天下之人皆知所嗜而有國家者因以為財賦之

原焉究其所由來貴於唐而盛於我朝也亦猶含桃薦

廟而盛於漢

漢以含桃薦寢廟

荔子萬錢而重於唐

唐貴妃嗜荔子時至

萬錢蓋物之所尚各有其時爾自唐陸羽隱於茗溪性酷

嗜茶乃著茶經三篇言茶之原之法之具尤備

陸羽上元初更

隱茗溪自稱桑苧翁性嗜茶著經三篇言茶之原之法之具尤備天下益知飲茶矣時鬻茶者至陶羽形置煬突間祖為茶神有常伯熊者因陸羽論復如常伯熊嗜廣煮茶之功李卿知伯熊善煮茶召之

之見上玉川子嗜之

盧仝性嗜茶至飲七碗曰覺兩腋生清風

江湖散人嗜

之

陸龜蒙號江湖散人嗜茶置園顧渚山下歲取租茶自判品第

故天下益知飲茶回

紇入朝亦驅馬市之矣

回紇傳入朝驅馬市茶

習之既久民之不

可一日無茶猶一日而無食故茶之有稅始於趙贊

唐志

德宗時趙贊議稅天下茶漆行於張滂

通典上元九年初稅茶凡州縣

產茶山外要路皆估其直至王播則有增稅唐志穆宗時王播增

什稅一從張滂之請也

天下茶稅率至王涯則有推法同上王涯置推茶使迨

百錢增五十

使徙民植茶於官場

至我朝往往與鹽利相等賓主設禮非茶不交而私家  
之用皆仰於此擁商市馬入街置使而公家之利全辦  
於此茶至是而始重矣然嘗以國朝擁茶之法而觀之  
曰擁務曰貼射曰交引曰三分曰三說曰茶賦紛紛不  
一然論其大要不過有三驚之在官一也通之商賈二  
也賦之茶戶三也乾德之擁務

筆談太祖乾德二年詔  
在京建州漢新口各置

推貨務五年  
始禁私賣  
淳化之交引  
太宗淳化四年行  
咸平之三

分  
咸平五年王嗣宗始立三分法以十分茶價四分給香藥三分犀象三分茶引六年又改支六分犀象四

分茶  
景德之三說  
景德二年許入中錢帛此驚之在官金銀謂之三說並筆談

者淳化二年貼射置法  
淳化二年令商賈就園戶置茶於官場貼射始行貼射法至四

年行交引罷  
貼射同上  
此通之商賈者嘉祐三年均賦於民  
嘉祐四年

韓絳及三司言茶課歲二百四十四萬八千嘉祐三年才及一百二十八萬又募人入錢皆有虛數實八十六

萬而三十九萬有奇是為本錢才得子錢四十六萬九千而已其貨運給費不與焉宜納至和之後一歲之數

以所得息錢均賦茶戶恣其買賣詔弛茶禁以三司歲課均賦茶戶歲輸三十三萬八千有奇謂之租錢唯臘

茶禁如舊餘茶肆行天下矣

此賦之茶戶者然推茶之法官病則求

之商商病則求之官二法之立雖曰不能無弊然彼此

相權公私相補則亦無害也惟夫均之於民則民病始

極噫豈惟民病哉雖在官在商亦因是而有弊爾愚嘗

推原其法自乾德置推茶之務定私買之禁然利額未

甚多場務未甚衆而民之有茶猶得以自折其稅是官

鬻猶有遺利也

太祖乾德二年諸州民有茶附折稅外官悉市之許民於京師輸金銀錢帛官

約券就推務以茶償之時在京建州漢蘄口置務他處皆未置自後有十三場六推務之立

至淳化

許商賈置鬻茶之場而行貼射之法然大商之利多而

國家之課減未幾復罷其制是通商猶有遺法也

許國初商

賈就圍戶置茶於官場貼射謂之貼射法太宗淳化三年始行之四年罷仁宗天聖元年復行之行之三年利歸大商又曰遼雖償以見錢京師府藏不足以繼爭言不便孫興言商人貼射則善茶入商人入官者皆粗惡詔罷行商納芻粟於邊郡官給文券於茶務此交引之

法爾然鬻引之具一興而所給之茶不充此利復在商

而不在官也

西北用兵又募商人入中粟麥材木於邊郡給文券謂之交引許就沿江榷務自請

射茶郡所入直千五六千至三十千而給券百千謂之加槿然商人入中者不知茶利至京皆以茶引鬻於茶

商百千繞得二十餘緡謂之實錢輦下坐賈並專交引以射利謂之引鋪歲月滋深沿江茶務交引紛至茶不充給計歲入雜茶三始以茶錢與香藥犀象為三分之一年不能償其弊如此

之法邊糴未充而商人為便後以轉糴便糴直便為三說

熙寧四年吳充曰茶法初立許商人入易粟之郡入交錢至京師或使銀金紬絹或香藥犀象唯所欲商人便之後以邊糴未定遂以三分之法定立分數不許從便又茶官多置茶之下者苟足課額商人得之往往折閱所以大壞又筆談舊傳茶有三說見錢為一說犀牙香藥為一說茶為一說此乃三分法謂緣邊入納糧草價折為三分一分折見錢一分折犀象雜貨一分折茶爾後又併折益為四分法予在三司求得三說乃是轉糴



為一說便糴為一說直便為一說轉糴者極邊糧草歲入必欲足常額三司先封樁見錢紫便錢紫茶錢然後召人入中便糴者沿邊糧草商人先入之諸京師請慢便錢慢茶鈔及雜貨直便者商人取便於沿邊入納見錢於京師請領轉糴數足然後聽便

之二法者官無全

利亦無全害商無全得亦無全失蓋彼此迭相救矣夫

何韓絳以三司所得之息而均於茶戶之民舊納茶稅

今變租錢民甚困之

見上

甚者稅不多登而官有浸虧

之課販者日寡而商有不通之患此官之與商商之與

民交受其弊

歐陽言民舊納茶稅今變租錢一害也小商所販至少大商絕不通行二害也茶租

不登浸虧國用三害也往時官茶容民入雜故茶多而賤今民自賣須要真茶真茶不多其價遂貴四害也河

北和羅實要見錢京師

歐陽五害之說豈欺我哉

見上

噫此猶未至極病者茶戶均賦固也異日均賦之外復

有擁之之法民堪之乎

靖康元年楊時言陛下復祖宗之舊崇寧紛更惟茶鹽二法最

為民害仁宗會榷茶爭利均為茶租戶輸之弛其茶地禁令茶租錢輸如故而榷戶愈密是榷之又榷也

出租可也異日無茶之所亦例有租錢之輸民堪之乎

王德用慶史嘗試攷之其茶凡三名一名供軍稅茶蓋江南李氏所取以助軍也二曰酒茶乃景德之前因撲賣縣酒課其利計茶以納後因敗欠遂以數數出於民三曰市茶景德三年歲荒官許額外課茶以濟艱食後

不復減湖北二路淮安復漢陽三州軍無茶租蓋民不種以資利耳嘗按茶之起謂之根租以茶株均數其多寡而已今水湖田宅之地無茶株而有茶稅噫民病矣其可不為之慮耶昔

開寶中有司請高茶價我太祖曰茶則善矣無乃困吾

民乎詔勿增價噫是言也將天地鬼神實聞矣豈惟斯

民感之哉愚願今之聖天子法之

以太祖開寶七年有司以湖南新茶異於常

歲請高其價以鬻之上曰茶則善矣無乃重困吾民乎即詔第復舊制勿增價直寶訓景德中茶

商俱條三等利害宋太初曰上等利取太深惟從中等

公私皆濟噫是言也將民生日用實賴之豈惟國用利

之哉

陳恕為三司使將立茶法召茶商數十人俾條利害第為三等副使宋太初曰吾觀上等之說利取

太深此可行於商賈不可行於朝廷下等固滅裂無取惟中等之說公私皆濟吾裁損之可以經久行之數年公用足而民富實世言愚願今之賢大夫法之三司使惟陳恕為稱首

推鹽

古今鹽法之沿革

昔禹貢以青州貢鹽而鹽用始興當時鹽雖入貢而與

民通用也

禹貢青州厥貢鹽絺

周官以鹽人掌鹽而鹽用始重當

時鹽雖有官而未始不在民也

鹽人掌鹽之政令以共百事之鹽

蓋古

者名山大澤不以封天子使吏治之而入其貢賦或稅

取焉以待時發夫其不封也非徒利之九兩藪以富得

民而繫之于太宰將與百姓共矣太宰至管仲以魚鹽

富國以功利相君著海王之篇興鹽筴之利通典齊桓公問管仲

何以爲國對曰惟筴山海爲可耳桓公舉三代聖人正

大之用而爲後世自私之謀至使禁擁之法與古人相

爲終始仲其作俑之尤也仲何人哉秦之鹽利至二十

倍於古漢食貨志秦改帝王之制漢之山澤以爲私奉養

漢表少府掌山澤之租以共奉養則鹽之不在民可知矣然漢初隄防

未密搜取未悉吳王煮海雄視一方

吳王濞東煮海水以為鹽以故無賦

國用饒足猗頓之富與天子埒

前猗頓傳用鹽起富與王者埒

漢初猶有遺

利在民也自鄭當時一旦薦齊之大鬻鹽者而鹽之在

官始悉

前食貨志咸陽齊之大鬻鹽承僅南陽大治故鄭當時進言云云大農上鹽鐵丞孔僅咸陽言

賴募民自給費因官器作王鹽官與牢盆於是懼其無所職掌也郡國置官

三十有九而鴈門沃陽有長丞焉

同上元封五年宏羊為大農丞幹天下鹽

鐵請置大農部及數十人分部王郡國各在往置鹽鐵官又地理志郡國鹽官有三十九鴈門沃陽有長丞

又懼其無所監臨也鹽官之上又有鹽長官焉

表司農屬官幹

官有兩長丞幹官又懼其無所稽考也則又舉而一之

郡幹監鐵者注云

於司農水衡之職焉表大司農屬官有幹官又後漢志郡國監官本屬大司農又水衡都

尉有均輸官主鹽鐵事

上下相統一孔不遺宏羊孔僅之徒鞭算

殆盡而民始病苦矣雖然剝利固切而猶未竭澤也以

史攷之鹽官之置多見於西北而東南之郡特少如會

稽一郡則今之兩浙路也而獨海鹽有鹽官廬江九江

二郡乃今淮甸間也獨皖城有鐵官而無鹽官

地里志

又觀終軍詰徐偃以為膠東南近琅邪北接北海魯國

西枕泰山東有東海二國食鹽悉取於鄰郡鹽鐵郡有

餘藏

終軍傳軍詰徐偃矯制曰膠東南近琅邪北接北海魯國西枕泰山東有東海二國食鹽悉取於鄰

郡鹽鐵郡有餘藏正一國廢國家不縱膠東魯國廢不足以為利害而以安社稷為辭何也縱膠東魯國廢不

取當時諸郡相通彼此相補雖以東南財賦之淵以武

帝之多慾行之且猶有不盡取者其後昭帝議弛禁而

不果

昭帝時舉天下賢良文學之士願罷鹽鐵推酤於是丞相奏賢良文學不明縣官猥以鹽鐵為不便

宜罷郡國推酤酒闕內

至元帝雖嘗罷之未幾復置貨

志元帝時罷鹽鐵官三年而復之

是以終漢世而不變此君子重始立



法也自是而後魏因衛現之言而置鹽官

三國時衛現議曰鹽者國

之大寶宜依舊制使者監鹽賣魏武帝於是遣謁者僕射監鹽官

陳因虞荔之言而立

鹽稅

陳文帝天嘉元年虞荔孔奐以國用不足奏立煮海鹽稅從之

沿歷至唐始為軍

國大計焉鹽之池十有八鹽之井六百四十皆隸度支

見食貨志第五琦劉晏講明備盡

乾元初第五琦初變鹽法就海井竈之池置鹽院後

劉晏以為因民所急而稅之則國用足於是上鹽法輕重之宜

天下財計鹽利居半官

兵諸費皆仰給之其後軍費日滋鹽價日踴有以數斗

之粟而易一升之鹽民有不勝之病

大歷末六百餘萬緡天下之賦鹽利

居半宮開服御軍鎮百官皆仰給焉其後軍費日增鹽價浸貴有以殺數斗易鹽一升私難犯法未嘗少息唐志以此知天下利源不可開一開而不可復塞推原其故管氏子不能逃其咎也捨是而以我朝鹽法論之鹽之種類蓋不一品有出於池出於海出於井者有出於地出於山出於木石者北方之鹽盡出解池疏為畦隴決水以灌南風以播鹽始成熟此池之顯鹽也南方之鹽產於海西蜀之鹽產於井煎熬出素烹煉成鹹此海井之末鹽也河北所產成於鹵地永康所產出於山崖

此出於地出於山之鹽也胡中之鹽或生於木或生於

石此出於木出於石之鹽也

如東萊文世所共知者有三如出於海出於井出於池

三者鹽之尤多世共知之如青州出於井幽薊北海嶺  
南南海皆出於海劔南西川出於井如河東鹽出於池  
如解池鹽之尤著者大畧三種三種之外所出亦多如  
河北有鹵地此出於地者如永康軍鹽出於崖此出於  
山者又有出於石出於木品類不一大抵南方所出是  
海鹽自漢以來海鹽井鹽同煎熬之制皆烹煉然後成  
兩處之鹽必資人力如解州之鹽大抵如耕種疏為畦  
隴決水灌其間必候南風起此鹽遂熟風一夜起水一  
夜結成鹽所以北方皆坐食鹽如南風不起則課利遂  
失大海鹽井鹽全資於人解池之鹽全資於天而人不  
與大抵鹽者吾民之日用不可一日闕所以天地間無

地無之然論大農國計之所仰惟淮之海鮮之池最資國用至蜀之井自贍一方河北之鹵素無禁擁其餘山崖所生木石所出亦不多爾國朝淮鈔未行置倉建安江浙湖廣以船運米而入真州真州因船回鹽而散江浙湖廣以之發鹽得船為便彼之回船得鹽為利國不匱而民亦足費益省而利益饒此李沆之良法也

東萊文方

其國初鈔鹽未行是時建安運置鹽倉乃令真州發運在真州是時李沆為運使運米轉入其倉空船回皆載鹽散於江浙湖廣諸路各得鹽資船運而民自蔡京秉力寬此南方之鹽其利廣而鹽推最資國用

政轉般法壞始則俾商賈入納於官而為鈔法以遠近  
為差終則俾商賈已納其錢而鈔復不用而折閱益甚  
此海鹽之法壞於蔡京之手

蔡京秉政廢轉般倉立直達之法使商賈入納於官

為鈔鹽法請鈔於京師商賈運於四方有長引短引限以時日蔡京專行罔民鹽法數十日一變鹽法既變則鈔鹽亦不可以用商賈既納錢之後鈔皆不用所以折閱甚多

國初解鹽通商陝京為

便商以納錢之鈔輸貨務官以給鹽之鈔在解池公家  
無輦運之勞民用無泥沙之雜契丹以鹽奪課則防之  
西夏以鹽入界則禁之公私通融君臣便利此盛度之

良謀也

舊制陝西三十五州軍京西十州軍許民買解鹽餘皆推之慶厯元年議者以輦運之役困於

軍民不若商旅入錢散鹽上命盛度與三司議之度請以見錢輸在京推貨務就地給鹽其利有五方禁商時官自輦運兵兼疫勞今無此弊一利也始以陸運既差貼頭又役軍戶今悉罷之二利也舟運有沉溺之患兼又侵盜雜以沙泥今得真鹽三利也錢為富家多藏公商歲出緡錢五千餘萬頗助經費四利也歲減監軍人畦夫役作之給五利也上從之遂詔弛三十一州軍推而行之又呂文解池有契丹西夏之鹽相雜解池鹽味不及西夏價直而西北又賤所以沿邊多盜販二國鹽以奪解池國家當措置關防徽廟初雨水不常圍塹不密守者護視不固為外水叅雜不復成鹽所以大失課利

自蔡京解之鹽法盡廢

而滄之鹽價復踴西北之鹽鈔多剝而推務之錢鈔復

阻況以雨水不常地力消耗此解鹽之法復廢於蔡京

之手

大觀四年初舊法以六路軍湏給鈔於遼募商入中其鹽即赴解池錢即赴推貨務支復以都茶場

引錢課利輪推貨務軍民便之至蔡京聚錢中都進羨要寵及先變鹽鈔錢鈔為二改鹽法廢解池行滄鹽於西北鹽翔貴又地界遠故西北鹽鈔多刺至錢鈔則推貨務艱澁百端商旅不行始以軍糧湏費科之於民及弓箭手至是張商英以祖宗以庸蜀僻遠恩澤鮮及貢為言詔復舊法餘見上

入常多故不忍以鹽謀利而重困之邛州一旦減鹽井

之課至一百萬此王堯臣力言蜀井之不可擁也

慶厯六年

益梓夔三路轉運使皆乞增鹽元課王堯臣不從上問其說對曰庸蜀僻遠恩澤鮮及而貢入常多民力由此

困朝廷既未有以恤之而又牟利焉是重困也上善夫其對五月減邛州鹽井課歲額緡錢一百萬長編

何王宗望小人以商賈之利而損國家之體庸蜀之鹽

始榷矣

元豐四年夔州路轉運使王宗望乞就成都置鹽榷司而兩蜀產鹽之地置場其井鹽盡榷之

官然後售之於民

祖宗以河北自安史之亂藩臣竊有其利因

而以鹽定稅固無再榷加以河北鹵地彌望非如蜀井

解池立墻塹以封守熬波即成非如南方瀕海待煎烹

而易察此張方平痛論河北不可榷也

慶曆六年三司使王拱宸言請

榷河北鹽三司更立榷法未下張方平見上曰河北再榷鹽何也上曰始立榷法非再也方平曰周世宗以河



北鹽課均之兩稅今兩稅鹽鐵是也豈非再推乎上大  
悟立罷之又呂文惟是河北之鹽自安史亂河北一路  
緣藩鎮據有河北鹽後因而以鹽定稅所以河北一路  
無推鹽仁宗時議者要禁推仁宗不肯神宗時荆公章  
子厚亦欲禁推神宗亦不許自後章子厚為相方始行  
禁推犯者甚多盜賊甚起河北所以不可禁煎河北之  
鹽又與其他不同如井鹽官可知一井故井鹽可推如  
解池之鹽毫釐封守亦可禁推海鹽亦待煎起爐閉爐  
非一旦所成官司又勤禁察亦可禁推淮河北鹽是鹵  
地其地甚廣非如井池可以為萬壑封守又却纔煎便  
成非如海鹽必待煎煮可以禁察所以最易得犯禁  
自章子厚禁推河北一行靖康之末盜賊滋多矣夫

何子厚奸臣以箕歛之法而為固寵之計河北之鹽始  
再推矣見上此國朝鹽法沿革之大畧也愚嘗因是而

思之天下不可一日無儒者之論也何者君子之為國計為公而不為私小人之為國計言利而不顧義自公私不兩立義利不相合而天下之正論廢矣齊之鹽筴不行於太公之時而行於管仲圖伯之日漢之鹽權願罷於賢良文學之口而力行於桑孔小人之說此猶可也國朝淮鹽之法李沆以公行之而便蔡京以私行之而病解鹽之法盛度以義行之而利蔡京以利行之而弊庸蜀之鹽王堯臣不之權而王宗望權之河北之鹽

張方平不之擁而章子厚擁之君子小人其柄鑿也如此彼小人者不過以規利為遠謀以富國為大功而國家之重計生民之大業彼何知焉古今之所以為民禍者未有不由于小人之誤國信矣夫天下不可一日無儒者之論也

### 錢幣

堯鑄錢於歷山以遭洪水而鑄也湯鑄錢於莊山以遭大旱而鑄也

堯遭洪水以歷山之金鑄錢救人湯遭大旱以莊山之金鑄錢出後魏高謙之表

嗚呼錢幣之來久矣聖人特為水旱權宜之設未嘗倚

之以為經常之用也至周太公立九府圜法而國家之

經用始資焉錢圜函方輕重以銖而錢之制以定利於

刀流於泉而錢之用以通錢之為用昉乎此歟

太公為周立九

府國法黃金方寸而重一斤錢圜函方輕重以銖布帛廣二尺二寸為幅長四丈為疋故貨寶於金利於刀流於泉布於布束於帛出漢志

嗟夫六府養民金居其一利用厚生日

用資焉

書

此天地自然之利何假夫鑄金為錢而後為

利哉聖人裁成輔相懋遷化居鑄金以救民於水旱之

餘是亦因所利而利之即斲木為耒以濟天下之義也

易然輕重相權之法猶未若是之紛紛也景王當周之季

欲更鑄大錢而單繆公始有子母之說雖繆公之言弗

聽太公之制遽更而勸農振乏百姓利焉

周景王二十一年將更鑄

大錢單繆公曰不可古者天降災戾於是乎量資幣權輕重以救民民患輕則為之作重幣以行之於是乎有母權子而行民皆得焉若不堪重則作多輕而行之亦不廢重於是乎有子權母而行小大利之今王費輕作重民為其資能無匱乎弗聽卒鑄大錢文曰寶貨肉好者有周郭以勸農贍不足百姓蒙利焉出國語漢志

自子母之說肇於繆公後世於是而有輕重之制有直當

之法由周而唐迭更迭變而民病之君子攷論之故作  
俑之由舍周景之君臣其奚歸雖然亦嘗攷論夫輕重  
直當之始末矣秦之錢質如周秦之不周君子知其故  
也

秦兼天下幣為三等黃金以鎰名為上幣錢銅質如周同上

漢興何為是紛紛者

高帝懲秦重幣之餘而鑄筴錢已不免有輕重之意未  
幾高后以其太輕而重之於是有八銖之行

高后二年行八銖錢

應曰本秦錢漢以其太重更鑄筴錢民患其太輕故行之出本紀

文帝以其太重而輕

之於是有四銖之改

本紀五年

自時厥後或輕而三銖

建元以來

用少更鑄三銖錢重如其文出食貨志

或重而半兩

文帝時鑄四銖錢其文為半兩食貨志

八九十年之間錢幣屢更而農商俱病以聖人救民之

具而卒為病民之端抑何不思之甚耶蓋至於武帝元

狩五年罷半兩而鑄五銖

元狩五年詔罷半兩錢而行五銖錢本紀

雖變於

新室而光武中興復還武帝之舊

建武十六年始行五銖錢

以其輕

重適中故也自五銖之行多之不加輕少之不加重則

三官之鑄至元始中積至二百八十億萬

武帝元鼎二年初置水衡

都尉掌上林其屬有上林均輸鑄官辦銅令三官自元狩五年三官初鑄五銖至平帝元始中成錢二百八十

億萬餘  
漢志

豈非五銖之制久而無弊歟魏人或罷或立然

亦不能變五銖也

魏文帝罷五銖錢以穀帛為市  
買至明帝太和間復立五銖

他如

蜀之直百

蜀先主拔成都軍用不足劉巴曰此  
易耳但當鑄直百錢帝從之晉志

吳之當

千

吳孫權赤烏元年鑄當千錢  
徑一寸四分重十六銖晉志

愈變而愈重晉之四分

沈郎

晉元帝過江輕重雜行大者謂之比輪中者謂之  
四分吳興沈充又鑄小錢謂之沈郎魏志

宋之

來子苻葉

宋廢帝時有來  
子苻葉之名

愈變而愈輕甚而曰鵝眼曰

綈環入水不沉十萬不盈一掬

宋廢帝時錢一千長不  
盈三寸謂之鵝眼劣於

此者謂之綈環入水不沉十萬不  
盈一掬斗米一萬商賈不敢行

由三國歷南北以至



於隋錢之名制不一而足至有秤錢之令

北齊天下之市各置秤於

市門私鑄不禁但重五銖然後聽用之

有置用之法

隋京師及諸州卽肆皆令立榜置樣為準

不中樣者不入於市此輕重迭更之弊也唐興亦可以監矣何當

直之法猶沿前代而未能一洗其輕重迭勝之弊哉夫

當直之法始於漢武京師赤仄之制

漢武帝時郡國鑄錢民多奸鑄公卿

請令京師百官鑄赤仄一當五通典

自漢以後以一當兩

宋元嘉二十四年江夏王義恭

建議請以大錢

或以一當十

梁敬帝太平二年改四銖錢一當十同上

甚至

以一當千

周宣帝大象元年鑄永通方國錢以一當千出隋志

夫物之不齊物之

情也自天一地十生成之數既定累一至十累百至千秩然之數不可躡取如舉一可以當十則天地生成之道息矣夫何唐人不明此理猶踵其弊而不之改耶武

德八分之行是也

唐高祖武德四年初行開元通寶錢徑八分重四銖三絛輕重小大最為

折衷遠近便之通鑑

未幾乾封之鑄以一當十

高宗乾封元年鑄乾封泉寶徑寸重

五銖六分一當十通鑑唐書

自高宗貽謀之不善先後嗣子孫法愈

出而愈弊試以肅宗之時觀之乾元之錢一也徑寸者當十而寸二分者當五十一寸之徑與寸二分之徑均

之為錢何為是之差別耶問之則曰重稜之不同自重稜之法既出於是民間之錢大而重稜者亦號重稜法既多端物價翔踊不得已而定減其直上無定制下無定從於是民間交易錢有虛實之名矣

肅宗乾元年經費不給鑄錢

使第五琦鑄乾元重寶錢徑一寸每緡重十斤與開元通寶參用以一當十亦號乾元十當錢第五琦為相復命絳州諸爐鑄重輪乾元錢徑二寸二分其文亦曰乾元重寶皆有外郭為重輪每緡重二十斤與開元通寶並行以一當五十是時民間行之錢大而重稜者亦號重稜錢法既屢更物價騰踊上元元年減重稜錢以一當二十開元舊錢與乾元十當錢皆以一當十典莊辰碓等交易當用當十錢由是錢有虛實之名唐志會要

終唐之世經費不給則議鑄

見上注

兵後不支則請鑄

唐自淮上用兵後錢益少鍾模請鑄大錢一當五十通鑑

或以一當二或以一當三

代宗即位乾元重寶錢以一當二重輪錢以一當三唐志

當五十者有之

見上注

當

十大錢者有之

同上

此直當迭更之弊也嗚呼攷論歷

代之變更推究錢幣之始末堯不可及也湯不可及也

由周而來僅有漢唐而輕重之迭勝當直之屢更其弊

若此曷不廣鑄以濟其乏歟漢初猶有盜鑄之令至文

帝弛禁放鑄雖以賈誼七福之說不能回帝之聽故吳

鄧之錢布於天下富埒天子財過王者利權弛而不收

孝文五年更鑄四銖錢除盜鑄錢令使民放鑄賈誼諫因陳七福之說上不聽是時吳以諸侯即山鑄銅富埒天子鄧通以鑄錢財過天武帝禁郡國無專鑄禁之誠

是也武帝禁郡國無鑄專令上林三官鑄錢令天下非三官錢不得行章帝罷之縱民

自鑄利權收而復弛後章帝章和二年遺詔罷郡國鑄鐵之禁縱民煮鑄通鑑勢利

人主之大柄其可弛之於下哉唐至元宗錢禁未弛也

夫何放鑄之議雜起於張九齡之徒九齡曰放鑄是劉

秩則曰放鑄非一是一非卒無定論止詔禁惡錢而已

九齡固賢臣也五不可之說劉秩非不善謀惜九齡不

之悟而元宗不之聽也

唐元宗開元二十二年宰相張九齡建議宜縱民鑄錢叅軍劉

秩言五不可於是下詔禁惡錢而已唐志惟我國家監前代已往之弊故鼓

鑄之權操之於上而不縱之於下饒之永平仍於唐池

之永豐置於至道江之廣寧置於咸平韶之永通置於

景德而虔之鑄錢院又置於大觀

並中興小應

此鼓鑄之地

也國初平江南歲鑄七萬緡天聖中歲鑄百餘萬緡慶

厯中至二百萬緡熙寧中多至六百萬緡此鼓鑄之數

然也

國初平江南歲鑄七萬貫自後稍增廣至仁宗天聖十歲鑄一百餘萬貫慶厯間至二百餘萬貫神

宗熙寧已後六百餘萬貫

國初錢文曰宋元通寶自淳化改元御書

淳化為文是後每改元必為之更鑄

通畧太宗淳化元年國初錢文曰宋

元通寶太平興國後又鑄太平通寶是歲上親書淳化通寶自後每改元必以為文

仁宗嘉祐有

折二之令

嘉祐四年以陝西民間多盜鑄大錢於是見行當三大錢折小銅錢二謂之折二錢

慶厯有當三之請

慶厯二年鄭戡請廢當十錢以一當三至今賴之

當三雖請

於鄭戡而未鑄也至崇寧而始鑄焉

徽宗崇寧二年鑄大銅夾錫錢以一

當三餘見上注

折二雖鑄於陝廣而未行也至熙寧而始行焉

熙寧五年三司言奉詔折二錢可且未得支用別聽指揮先是薛向鑄折二錢於陝西其後許彥又鑄於廣南以償銅價既而有言折二錢民不肯折用上批欲罷之中書言無是律上曰恐四夷聞中國行兩等錢以為貧窘乃傷國體何如安石曰錢有二品

此折當之始末也

自周已然何係貧富上乃復行之

見上注

然三品之錢至今便之

豈非我朝之良法歟夫我朝鼓鑄之地如此其廣鼓鑄之數如此其多錢之流行又如此其盛而錢幣日削可不推原其故歟盖有利之源有利之權利源之消長在天地利權之操縱在人主自熙寧間一罷銅禁奸民日



消錢為器而遘防海舶不復譏錢之出

張文定公墓誌  
公在熙寧間論

錢禁自王安石為政始罷銅禁奸民日消錢以畎澮之  
為器遘防海舶不復譏錢之出故中國日耗

益而供尾閭之泄張公方平雖力言之無益也

張方平  
疏云

今日之法將操其權於上乎抑縱其權於下乎側聞中

興以來歲鑄以五十萬為額而虧額猶多止及十萬比

之祖宗所入至少也

紹興二十二年初諸路歲鑄銅錢  
一百六十萬自紹興以來權以五

十萬為額而虧額甚  
多止及十萬一千貫而當時歛散闔閭不聞乏用究其

所以則滲漏之法罪及主吏

紹興中宣諭官言二廣遘  
郡透漏銅錢應帥臣監司

守卒巡捕當職官失察臣紹興中者乞比犯人減等坐罪

鈺銷之禁責及士大夫

紹興中臣寮言

民以錢十文得銅一兩鑄為器皿可得五十文士大夫之愛奇者百計以蓄以為玩好乞嚴鈺銷之禁

紹

興之制可覆也錢寶之泄以軍法論

乾道六年詔淮南運司如般載錢寶

一貫以上依軍法施行銅器之禁刺之事板

淳熙八年上曰朕以宰牛禁銅器及金翠

等事刺之記事板每京尹初上輒示之

乾道淳熙之制可覆也今日惟申

嚴紹興乾道淳熙之禁足矣詩云不愆不忘率由舊章

上之人盍致思焉

楮幣

古者券幣造於下而行於下故聽於民之自便後世券  
幣造於上而行於下故貴於君民之俱便夫法無精粗  
便民者良論無當否便民者至君上之立法臣下之議  
法求便於民可也果何計於君哉蓋自後世以券幣而  
權錢錢之與楮相為消長此券幣之通塞國計命脉之  
所繫民生利疚之所關焉故必貴於君民之俱便也愚  
嘗攷論其始末而後知券幣造於下而民自便者周也  
券幣造於上而君民之俱便者漢與唐也雖其名號之

不同其實則一而已周官小宰以官府之八成經邦治

四曰聽稱責以傳別識者謂傳別券書也蓋民間私相

稱貸以為符驗而小宰特聽之而已

禮小宰以官府之八成經邦治四曰

聽稱責以傳別鄭司農云傳別謂券書也聽訟者以券書決之傳傳著約束於文書別別為兩兩家各得一也

正曰今之券書也

故曰古者券幣造於下而行於下故其用聽

於民之自便者此也由周而漢自漢而唐有所謂皮幣

漢志武帝以公上之用不給於是造白鹿以為皮幣

有所謂飛錢

唐志憲宗令商賈至京師委錢

諸道進奏院使富家以輕業趨四方合券乃取之號飛錢

皮幣造於武帝

事見

飛錢

造於憲宗

事見上

一以濟公上之不給一以便商賈之懋

遷而公私兼濟焉故曰後世券幣造於上而行於下故

其用貴於君民之俱便者此也夫曰傳別曰皮幣曰飛

錢皆所以權錢之輕重然則楮幣之端緒豈非始於此

歟國家開寶中在京有便錢務

開寶太  
祖年號

天禧中建州有

便錢務

天禧真  
宗年號

而乾德中又有交引之制

太祖乾德二  
年募商人入

粟麥材木於邊郡  
給文券謂之交引

然楮幣則始於蜀也真宗祥符中張

忠定公鎮蜀患鐵錢之重不可貿易於是設質劑之法

一交一緡以三年為一界而換之

實訓

至仁宗天聖初

薛田請置交子務以權出入於是始置益州交子務

長編

仁宗天聖元年寇瑊守蜀乞廢交子不復用會瑊去而薛田代之田請官為置務詔從其請始置益州交子務

然行於蜀而未行於外也熙寧中欲行於河東以莫若

之言而罷

實訓神宗熙寧中因高遵裕等言欲行於河東轉運使莫若言今交子法行商販必不肯

中納糧草不然有害邊計亦恐鹽礬不售遂廢之

欲行於陝西以張景寧之言

而罷

同上上因沈起言欲行交子於陝西而張景寧謂交子可行於蜀不可行於陝西將必民失業無以

為生遂罷其後以條例司之議而各置務則散於外焉初張

忠定公之始行於蜀也主以富民而官不與

長編仁宗天聖元年

初蜀民以鐵錢重私為券謂之交子以便貿易富民上大户主之

其後以薛田張若谷

之議而置務則始歛之於官

事見上

夫主以富民則聽

民之自便是亦周人之意至於歛之於官則非周矣嗚呼古者券幣以便民良法也後世因之而為國家之利亦未失也至於今也稱提無術券幣不行非惟民病之國亦病之沿流遡源豈非錢重而楮輕乎天下之理多則輕少則重天聖創置之初一界一百二十五萬

仁宗

朝至紹聖則增為一百四十萬哲宗朝至元符則增為

一百八十萬哲宗朝至建炎則增為三百七十萬高宗

朝雖以卒已用兵而中外之數僅餘百萬而上高宗朝

蓋至淳熙間兩界共四千五百餘萬孝宗朝較之天聖

則數十倍矣紹熙光宗朝慶元以後又溢至十萬之數

向者止行兩界每界所印三千六百萬為率今增至三

界則共有二億四千萬開禧臣寮奏劄其多若此幾何而不輕

乎以方寸之楮飛錢致遠不積錢以為本不能以空文



行此富公弼所以為神宗言也

經濟富公弼上神宗言以方寸之紙飛錢致遠

欲不積錢為本亦不能以空文行今商號鄺耀洮崖清遠鐵冶所收極廣苟即以更鑄折二錢歲除吏費外可

得百萬緡為交子本并上可行十二事故紹興間陳季若請行交子於諸

路我高宗詔於都茶場置會子務撥左藏錢一十二萬

貫為本

會要紹興末陳季若請行交子法於諸路其後上用錢端禮言行於東南三十一年設於都茶

場置會子務撥左藏錢一十八萬貫為本有本如是楮其不重乎今交子之

行通於江淮福浙一夫可以賫千萬緡而無關津譏征之患無變易輕貨之勞其於民亦可謂便矣然今之民

往往重錢而輕楮者何哉曰歛散之無術也今日講求其歛散之術將求諸錢乎抑求諸楮乎抑亦錢楮之相權乎在昔楮券之行於蜀賤則官出錢以歛之貴則官出楮以散之使居者以藏鏹為得行者以挾券為便是故州縣之折納四方之征商坊場河務之課息不責其錢不拘其楮是錢重而楮亦重今則不然中半之法行於出而不行於入元陌之令行於近而不行於遠朝廷未嘗不嚴出納之禁矣而巧為名色邀阻者自若也未

嘗不嚴殿最之課矣而虛數偽冒罔上者亦自若也門  
關之外便同隔江上下皆知置而不問輦轂之下尚乃  
如此何責於外郡乎若是則今日歛散之策當如何必  
如孝宗之出內帑金帛以收換則可重必如孝宗綱運  
許中半入納則可重孝宗聖政發內帑金帛換會子藏於內庫者四百萬行於民間者二  
百萬進呈淮東西兩總領各乞以金銀兌換會子不然  
支遣上曰綱運既以會子中半入納何故缺少則得守臣如趙開者用公錢以收之則可重苟舍是而  
他求焉殆非敢知也



古今源流至論續集卷四